

Title: **The Agent**
Story by: **Julian Jay Narag**
Genre: **Dark Comedy/Drama**

Logline: *Masusundan ang kwento ni GLORIA na call center agent na nagnanakaw sa kanyang trabaho para mabayaran ang bahay na bumuo sa kanya, kasama niya sina GRACE, SUSAN, at KYLIE masusubukan kung hanggang kailan kaya nilang makipagsapalaran, at mapupunta sa posisyon si GLORIA na kailangan niyang mamili, ang bahay o ang kanyang mga kaibigan?*

Storyline

Matapos ang pagkamatay ng kalaguyo ni GLORIA na si ANDRES kailangan nitong kumayod at maghanap ng trabaho para sa pambayad sa upa, sampung libo kada buwan ang bayad sa paupa ni MARISSA, si MARISSA ang nag-iisang kapatid ni ANDRES.

Hindi kasal si ANDRES at GLORIA at wala rin silang anak kasal si GLORIA sa iba ngunit thirty years ng separada. Bukod sa habilin ni ANDRES na huwag pabayaang ang bahay ay impotante rin kay GLORIA ito, dito siya naging buo kasama si ANDRES kaya labis nalang niya itong pinapahalagahan,

Sinubukan ni GLORIA nag-apply sa BPO companies bilang call center agent ito lang ang tanging kumpanya na siguradong matatanggap siya dahil walang diskriminasyon sa edad basta kaya pang gampanan ang posisyon.

Dahil sa kagustuhan ni GLORIA magkatrabaho ay natanggap siya, malaki rin ang sahod at iba ang mga allowances kaya kakayanin niyang mabayaran ang upa sa bahay.

Nasa collection department siya lahat ng tawag na natatanggap nila may kinalaman sa pagbabayad at pag-aalok ng gift cards sa mga amerikano, kaya pinagbabawal ang anumang bagay na pwede makasulat at pwedeng pagsulatan.

Una niyang nakilala sa trabaho si KYLIE isang transgender na tanging layunin ay magpa-total reassignment at maging ganap na babae dahil gusto niyo ng pagtanggap sa lipunan, Isa siyang hopper sa BPO companies palipat lipat ng kumpanya para sa malaking offer.

Nakilala rin ni GLORIA si GRACE na janitress nagpapanggap na nagtra-trabaho sa ibang bansa, naloko umano siya ng employer na pinangakuaang makakapagtrabaho sa Taiwan bilang factory worker, dahil breadwinner ito mas pinili nalang niyang magsinunagalin sa pamilya.

Naging mahirap kay GLORIA ang trabaho bukod sa graveyard shift ang pasok dumagdag pa ang pressure sa supervisor at teammates niya. Kaya pinapaalalayan siya ng supervisor niya kay SUSAN 35 years old single parent sa nag-iisang niyang anak na may sakit na Leukemia. Hindi magkasundo sina SUSAN at GLORIA dahil sa hirap turuaan si GLORIA sa proseso.

Akala ni GLORIA ayos na lahat sa pananatili niya sa bahay, hindi nakuntento si MARISSA at nag-iba ito ng desisyon gusto na niyang ibenta ang bahay sa halagang isang milyon at limang daang libo, problemado si GLORIA dahil gusto ni MARISSA ay maibigay na niya ang buong bayad sa pagsapit ng 40 days ni ANDRES.

Dahil dito inalok ni KYLIE si GLORIA na magnakaw sa kanilang trabaho ang gagawin lang nila ay kukunin ang mga account information sa credit card at ATM card ng customer at saka nila gagamitin ang mga ito para bumili ng mga mamahaling bagay online at saka nila ulit ibebenta ng mas mahal.

Tinanggap ni GLORIA ang alok ni KYLIE ngunit ang prolema nila ay kung pano ipapasok ang mga lapis at papel na gagamitin nila mahigpit ang seguridad sa pagpasok ng production area, dahil dito naisipan nilang hikayatin din si GRACE.

Noong una ayaw ni GRACE pero napapayag din siya sa huli, ang gagawin ni GRACE ay ididikit niya ang mga lapis at papel sa baba ng cart na kanyang paglalagyan ng mga basura kapag maghahakot ito ng basura sa CR sa production area at doon hinihintay siya nina GLORIA AT KYLIE.

Hindi dapat lumagpas ng kinse minutos si GRACE sa paghahakot dahil kapag nangyari ito ay papasok ang isang guard para sunduin siya, kaya bago mag kinse minutos ay dapat naibigay na nila GLORIA AT KYLIE ang naisulat nila.

Title: **The Agent**
Story by: **Julian Jay Narag**
Genre: **Dark Comedy/Drama**

Tuwing linggo ay naghahati-hati sila sa kitang 100,000 o higit pa, nabuhayan si GLORIA kahit papano, nagpatuloy sila sa gawain hanggang nahuli sila ni SUSAN, ngunit sa halip isumbong niya ay nakipagkasundo si SUSAN na sumali sa grupo, walang nagawa ang tatlo kundi isali siya.

Mas naging malapit ang apat sa isat-isa hindi lang magkakaibigan ang turingan, nagkaroon sila ng bond na parang isang pamilya, at ito ginawang tahanan din ni GLORIA ang pagmamahal ng tatlo sa kanya.

Nag-suggest si SUSAN na may iba pang paraan ng pagnanakaw mas malaki at mas mabilis kaysa sa dati nilang ginagawa, ang gagawin ay isulat lang ang codes sa gift cards na meron sa system nila, na naglalaman ng \$100 o mahigit pa at saka nila ire-redeem ang mga codes sa isang app para gawing cash, pero hindi pumayag si GLORIA.

Isang araw nagulat nalang si GLORIA sa hinihingi ulit ni MARISSA gusto na umano ito makuha ang paunang bayad kung hindi niya maibigay ay maghahanap na siya ng mga buyers. Mahalaga kay GLORIA ang bahay kaya gagawin niya lahat.

Isang linggo lang ang palugit ni MARISSA sa kanya para maibigay niya ang 750,000 na paunang bayad, nilapitan ni GLORIA si SUSAN at pumapayag siya sa isa pang pagnanakaw,

Ang plano ay kailangan nilang makaipon ng tatlong milyon magagawa lang nila ito kung makaka 150 codes sila araw-araw. Naging mahirap sa kanila dahil mas naghigpit ng seguridad sa production pero nagawan parin ng apat ng paraan at sa huli nakapagpuslit parin sila ng mga codes at unti-unti na nilang maabot ang tatlong milyon.

Sa kasamaang palad habang nagdidiwang ang apat ay nagkaroon ng emergency ang anak ni SUSAN, sumugod lahat sila sa hospital at nadatnan nilang nag-aagaw buhay ang kanyang anak, dito nagising si GLORIA at inisip nito kung ano pwedeng mangyari kapag mahuli sila lalo na si SUSAN na may anak na naghihintay sa kanya.

Kalaunan naging stable rin ang kalagayan ng kanyang anak, ipanagpatuloy parin nila ang pagnanakaw konti nalang makukumpleto na ang tatlong milyon.

Sa trabaho aksidenteng nahulog ni SUSAN ang lapis habang naglalakad ito at saktong makikita ng Production manager si SUSAN nakita ni GLORIA ito at hindi nagdalawang isip na isakripsyo na niya ang sarili pinulot ni GLORIA ang lapis at siya umako sa lahat ng nagawa, dumaan sa imbestigasyon si GLORIA pero hindi niya idinawit ang tatlo.

Nakulong si GLORIA pero hindi naging malungkot ito, hindi siya pinabayaan nila SUSAN, KYLIE at GRACE, tuwing linggo ay binibista siya. Dahil sa nangyari naging tulay din ito para harapin din nina GRACE, SUSAN at KLYIE ang sarili nilang problema, at mas tumibay pa ang pagsasamahan ng apat.

Isang araw hindi makapaniwala si GLORIA sa bisita niya, si MARISSA, na guilty ito sa nangyari kay GLORIA kung hindi sa pang-gigipit nito sa kanya ay hindi sana makakagawa ito ng pagnanakaw, para makabawi kahit papano sa kanya ay nangako ito na kay GLORIA lang niya ibebenta ang bahay.

Pagkalipas ng ilang taon sa wakas nakalabas na ng kulungan SI GLORIA makikitang naghihintay sina SUSAN, KYLIE, at GRACE, sinusundo siya para mag-celebrate, pero nagulat ito ng may binigay silang itim na bag pera ang laman ang kanyang hati galing sa nakaw nila noon, tinitigan niya ng matagal at sabay ngumiti sa harapan ng tatlo.